


MAPEH (Arts)

Unang Markahan – Modyul 1: Mga Selebrasyon sa Pilipinas





Alamin



Tayong mga Pilipino ay likas na masayahin. Marami tayong mga selebrasyon at mga ipinagdiriwang na mga gawaing pambayan. Ang mga pagdiriwang na ito ay nagbubuklod sa mga Pilipino. Sama-sama tayong nagsasaya, nagbabatian at naghahanda upang maisakatuparan ang mga pagdiriwang na ito.

Sa modyul na ito ay iyong matututunan ang ilang selebrasyon o gawaing pambayan gaya ng Araw ng Kalayaan, Piyesta ng Bayan, Pasko, Bagong Taon at iba na impluwensya ng mga mananakop na dumating dito sa Pilipinas (A5EL-Ia). Inaasahang sa pamamagitan ng modyul na ito ay makamit mo ang mga sumusunod na layunin:

- a. Natatalakay ang mga selebrasyon o gawaing pambayan na naimpluwensiyahan ng mga mananakop sa Pilipinas.
- b. Nakabubuo ng likhang sining ng isang selebrasyon o gawaing pambayan.
- c. Naipagmamalaki ang ilang selebrasyon o gawaing pambayan sa pamamagitan ng likhang sining.



Subukin

Panuto: Magbigay ng apat na selebrasyon o gawaing pambayan sa iyong lugar. Isulat ang sagot sa sagutang papel.

1. _____
2. _____
3. _____
4. _____

Panuto: Makikita mo sa Hanay A ang mga selebrasyon at sa Hanay B naman ang mga petsa kung kailan ito ipinagdiriwang. Pagtambalin moa ng mga ito. Isulat ang letra ng tamang sagot sa sagutang papel.

A.

- _____ 5. Araw ng mga Puso
- _____ 6. Bagong Taon
- _____ 7. Araw ng Kalayaan
- _____ 8. Araw ng mga Patay
- _____ 9. Araw ng Kagitingan
- _____ 10. Pasko

B.

- a. Disyembre 25
- b. Pebrero 14
- c. Abril 9
- d. Enero 1
- e. Hunyo 12
- f. Nobyembre 1

Aralin 1

Mga Selebrasyon sa Pilipinas

Maraming pagdiriwang sa loob ng isang taon. Ang mga pagdiriwang sa Pilipinas ay mga pambansang pagdiriwang, mga pansibikong pagdiriwang at mga pagdiriwang na panrelihiyon.

Ang mga okasyong ipinagdiriwang sa buong kapuluan ay yaong napakahalaga sa kasaysayan at lipunan. Nakikiisa ang bawat isa sa mga Pilipino sa pagdaraos ng mga ito kaya't tinatawag itong pambansang pagdiriwang. Karaniwang idinedeclarang pista opisyal o walang pasok sa mga opisina at paaralan ang mga pambasang pagdiriwang.



Balikan

Panuto: Kilalanin ang mga selebrasyong makikita sa larawan. Isulat ang sagot sa sagutang papel.

1.




2.




3.



4.



5.





Tuklasin

Panuto: Halina at sagutin ang *Pinoy Text Twist*. Buuin ang *jumbled letters* upang mabuo ang selebrasyon o gawaing pambayang impluwensya ng mga mananakop na dumating dito sa Pilipinas. Isulat ang sagot sa sagutang papel.

1. P K S A O

2. Bagong I O N A

3. Araw ng K Y A N A L A

4. Araw ng mga P I A A Y


5. Araw ng K N G A A G I I N



Suriin

Tayong mga Pilipino ay likas na masayahin. Napagbubuklod-buklod tayo dahil sa mga selebrasyon at iba't ibang gawaing pambayan. Sama-sama tayong nagsasaya, nagbabatian at naghahanda upang maisakatuparan ang mga pagdiriwang na ito. Ang mga sumusunod ay iilan lamang sa mga selebrasyong taon-taon nating ipinagdiriwang.

Araw ng Kalayaan



Isa sa mga pinakamahalagang araw sa ating kasaysayan ang Araw ng Kalayaan na ipinagdiriwang tuwing ika-12 ng Hunyo. Sa araw na ito nabibigyang halaga ang ginawang kabayanihan ng ating mga ninuno sa pagkamit ng ating kalayaan mula sa pananakop ng mga Espanyol.

Piyestang Bayan




Ang bawat lugar o bayan ay may kani-kanilang panahon ng piyesta. Ito ay parangal sa santong patron ng bayan na ipinagdiriwang ng isang beses sa isang taon. Ang mahahalagang bahagi ng pagdiriwang na ito ay ang misa at prusisyon. Dito nagkakaisa ang magkakaibigan at magkakamag-anak. Lahat ay nagsasaya dahil sa mga palaro at masasayang tugtugin ng mga musikong umiikot sa buong bayan habang ang iba naman ay nagsasalosalo sa masaganang pagkain.



Pasko at Bagong Taon


Masayang ipinagdiriwang ng mga Pilipino ang Pasko at Bagong Taon. Sa panahong ito, bawat pamilya ay sama-samang nagsisimba at nag-aalay ng panalangin sa Dakilang Lumikha. Naipamamalas din sa panahong ito ang pagiging likas na mapagbigay ng mga Pilipino.



Pagyamanin

Gawain 1

Panuto: Pagmasdan nang mabuti ang mga larawang nasa ibaba. Kilalanin kung anong selebrasyon ang makikita sa larawan at sumulat ng sanaysay tungkol sa iyong naging karanasan sa pagdiriwang na ito. Gawin ito sa iyong kwaderno. (Sa pagbibigay ng puntos, sumangguni sa Rubriks na makikita sa Tayahin.)



Sagot: _____

Gawain 2

Panuto: Gumuhit ng isang likhang sining tungkol sa selebrasyon o gawaing pambayan na iyong nasaksihan. Pagkatapos ay sagutin ang mga sumusunod na tanong sa ibaba. Gawin ito sa iyong kwaderno.

Anong selebrasyon ang iyong ginuhit?

Bakit ito ang iyong napili?

Gawain 3

Panuto: Isalaysay kung paano mo maipagmamalaki ang ginawang likhang sining. Isulat ang iyong sagot sa kwaderno.



Isaisip

Panuto: Kumpletuhin ang mga sumusunod na pangungusap. Isulat ang sagot sa sagutang papel.

1. Ang natutunan ko sa araling ito ay

2. Ang napagtanto ko sa araling ito ay



Isagawa

Panuto: Bumuo ng likhang sining tungkol sa selebrasyon o gawaing pambayan gamit ang mga patapong bagay sa paligid. Gawin ito sa isang buong papel. Ipaliwanag ang mga impormasyon tungkol sa selebrasyong ito sa ibabang bahagi ng papel. Sa pagbibigay ng puntos, sumangguni sa Rubriks na makikita sa Tayahin.

(Babala: Sa pagbuo ng awtput, mag-ingat sa paggamit ng gunting at sa iba pang mga matutulis na kagamitang pansining.)

Pangalan ng selebrasyong nilikha:

(Isulat ang pagtalakay sa ibabang bahagi)



Tayahin

Panuto: Pumili ng isang selebrasyon o gawaing pambayan mula sa mga nakatala sa ibabang bahagi. Bumuo ng sanaysay tungkol sa iyong naging karanasan nang ipagdiwang ang selebrasyong ito. Gawin ito sa iyong kwaderno. (Sa pagbibigay ng puntos, sumangguni sa Rubriks na makikita sa Tayahin.)

- a. Araw ng Kalayaan
- b. Piyesta ng Bayan
- c. Pasko
- d. Bagong Taon

Ito ang Rubriks na gagamitin para sa pagsulat ng sanaysay.

Pamantayan	5	3	1	Marka
Kalinisan at Kahalagahan	Malinis ang pagkakasulat ng sanaysay at kakikitaan ng makabuluhang nilalaman	Hindi gaanong malinis ang pagkakasulat ng sanaysay ngunit kakikitaan ng makabuluhang nilalaman	Hindi malinis ang pagkakasulat ng sanaysay at walang kabuluhan ang nilalaman	
Estilo	Ang ginamit na estilo ay malinaw, masining at nababasa	Ang estilo sa pagsulat ay malinaw at nababasa	Walang kalinawan at pagkamalikhain	
Tema	Ang kabuuan ng awtput ay may kaugnayan sa tema	Karamihan sa nilalaman ay may kaugnayan sa tema	Ang nilalaman ay walang kaugnayan sa tema	

Ito ang Rubriks na gagamitin para sa pagwawasto ng ginawang likhang sining gamit ang mga patapong bagay.

Pamantayan	Kapansin-Pansin (3)	Hindi gaanong kapansin-pansin (2)	Hindi Kapansin-pansin (1)
Nagawa ko nang mahusay ang isang selebrasyon o gawaing pambayan.			
Nagamit ko ang mga patapong bagay sa paligid.			
Nakilala ko ang mga selebrasyon ng ilang pamayanang kultural sa bansa.			
Naipagmalaki ko ang nagawang sining.			
Napagtagumpayan ko ang gawaing ito.			

Panuto: Pumili ng isang selebrasyong iyong naranasan at isulat kung paano mo ito maipagmamalaki. Gawin ito sa iyong kwaderno.



Karagdagang Gawain

Panuto: Mangalap ng mga larawan ng iba't ibang selebrasyon sa iyong bayan. Idikit ito sa iyong kwaderno.



Susi sa Pagwawasto

Isagawa Iba-iba ang maaring sagot ng bata. (sumangguni sa rubriks para sa pagbigay ng puntos)	Tayahin Iba-iba ang maaring sagot ng bata. (sumangguni sa rubriks para sa pagbigay ng puntos)	Pagymanin Gawain 1 Iba-iba ang maaring sagot ng bata. (sumangguni sa rubriks para sa pagbigay ng puntos) Gawain 2 Iba-iba ang maaring sagot ng bata. (sumangguni sa rubriks para sa pagbigay ng puntos) Gawain 3 Iba-iba ang maaring sagot ng bata. (sumangguni sa rubriks para sa pagbigay ng puntos)	Subukin Sa sagot 1-5 Pudi magkahalohalo 1. Pasko 2. Pista ng Bayan 3. Araw ng mga Patay 4. Araw ng mga Puso 5. Araw ng Kalayaan 6. C 7. D 8. E 9. B 10. A Balikan 1. Pasko 2. Pista ng Bayan 3. Araw ng mga Patay 4. Araw ng mga Puso 5. Araw ng Kalayaan 12. Pista ng Bayan 13. Araw ng mga Patay 14. Araw ng mga Puso 15. Araw ng Kalayaan Tuklasin 1. PASKO 2. TAON 3. KALAYANAN 4. PATAY 5. KAGITINGAN
--	--	---	--